

**MAHINUNGDANONG MGA PAMAHAYAG  
ALANG SA 2020 MEMORIAL DAY CONFERENCE**

**Makita gyod unta nato ang sitwasyon sa kalibotan nga nagpaila sa lihok sa Dios dinhi sa yuta ug ang panan-awon sa kasaysayan sa kalibotan sugod sa pagkayab ni Cristo hangtod sa kataposan ning panahona, usa sab tang mobuhat uban sa Ginoo aron magpakaylap sa mga kamatuoran sa pahiuli sa Ginoo isip pagpangandam alang sa pagbalik Niya, ug magmalahutayon sa pag-ampo, samtang makaila “sa mga ilhanan sa kapanahonan.”**

**Makita gyod unta nato ang espirituhanong panan-awon sa trono sa Dios nga sentro sa administrasyon Niya sa tibuok uniberso ug makaamgo nga dunay hingpit nga kahimoan ang magbuot nga Dios nga mobuhat sa Iyang gusto segun sa gitinguha sa Iyang kasingkasing ug segun sa walay kataposang pamatigayon Niya, samtang tago Siyang nagbuot sa tanang tawo ug tanang butang.**

**Ang paagi nga magmalagsik karon pagsanong man sa tawag sa Dios nga mahimong mga mananaog Niya, iya-sa-dispensasyong instrumento Niya nga mousab sa panahon; lagsik nga tawo ang mananaog, ug ang lagsik nga tawo (tawong buhi ug aktibo) tawo nga nag-ampo.**

**Ang kasal sa Cordero maoy sangpotanan sa pagkakompleto sa pamatigayon sa Dios sa Bag-ong Tugon, nga pagpakabaton og pangasaw-onon alang ni Cristo, ang iglesia, pinaagi sa Iyang balaodnong katubsanan ug organicong kaluwasan diha sa Iyang diosnong kinabuhi; ang pahiuli sa Ginoo alang man sa pag-andam sa pangasaw-onon, nga naglangkob sa tanang mananaog Niya.**

**Talamdan sa Mga Mensahe  
alang sa Memorial Day Conference  
Mayo 22-25, 2020**

**LINANGKOB NGA HISGOTANAN:  
ANG TAKDO-SA-PANAHOON NGA PAGPAMULONG  
KALABOT SA SITWASYON SA KALIBOTAN UG SA PAHIULI SA GINOO**

Mensahe 1

**Ang Sitwasyon sa Kalibotan nga Nagpaila sa Lihok sa Dios dinhi sa Yuta,  
ang Panan-awon sa Kasaysayan sa Kalibotan sugod sa Pagkayab ni Cristo  
hangtod sa Kataposan Ning Panahona, ang Pagpakaylap sa Mga Kamatuoran  
sa Pahiuli sa Ginoo isip Pagpangandam alang sa Pagbalik Niya,  
ug Paglahutay sa Pag-ampo, Samtang Makaila  
“sa Mga Ilhanan sa Kapanahonan”**

Basahong Kasulatan: Buh. 5:31; 17:26-27; Dan. 2:31-45; Bug. 6:1-8;  
4:1-2; 1:10-11; Col. 4:2; Mat. 24:3-14, 32-34

- I. Kinahanglan maanaa ta sa atong espiritu aron mahimo tang mga tawo dinhi sa yuta nga dunay kasingkasing sa Dios, mga tawo nga kaablihan sa langit aron makakita sa panan-awon sa Dios kalabot sa dangatanan sa kalibotan—Bug. 1:10; 4:1-2; itandi sa Gen. 28:12-17; Ezeq. 1:1; Mat. 3:16; Buh. 7:56.**
- II. Ang sitwasyon sa kalibotan maoy nagpaila sa lihok sa Dios dinhi sa yuta—5:31; 17:26-27; Dan. 2:31-45:**
  - A. Gipahaluna ug gipatakdo sa Dios ang tanang dagkong hitabo sa kasaysayan sa tawo alang sa lihok Niya dinhi sa yuta; kay duna may tuyo ang Dios nga humanon diha sa katawhan dinhi sa yuta, duna gyod Siyay labawng pagbulot-an nga modumala sa sitwasyon sa kasaysayan sa tawo; sama pananglit, alang sa pagpakaylap sa Iyang pahiuli ug sa kataposang hugna niini—ang pagtukod sa Lawas isip pag-andam sa pangasaw-onon—sa pagbuot sa Dios giandam, gipreserba, ug gipanalanginan Niya ang Estados Unidos—Buh. 17:26; 5:31; Rom. 12:4-5; Bug. 19:7.
  - B. Ang tibuok sitwasyon sa kalibotan ug ang “mga kasakit sa pagpanganak” aron man makompleto ang pagporma pag-usab sa Israel ug aron sab mahingpit ang pagpahimugso sa unibersohanong bag-ong tawo—Mat. 24:32-34; Mar. 13:8; Dan. 12:1-2; Bug. 12:1-2, 5.
  - C. Ang panan-awon sa dakong larawan sa tawo sa Daniel 2 panan-awon man sa “mahitabo sa ulahing mga adlaw” (v. 28); mapanagnaong hulagway kini sa kasaysayan sa panga-gamhanan sa tawo, nga gipahaluna sa pagbuot sa Ginoo aron matuman ang Iyang pamatigayon (vv. 31-35):
    1. Ang ulo nga bulawan (vv. 36-38), nga nitakdo sa unang mananap nga mapintas sa 7:3-4, nagtimaan ni Nabucodonosor, ang magtutukod ug ang hari sa Babilonia.
    2. Ang dughan ug ang mga bukton nga salapi (2:39a), nga nitakdo sa ikaduhang mananap nga mapintas sa 7:5, nagtimaan sa Medo-Persia.
    3. Ang tiyan ug mga paa nga tumbaga (2:39b), nga nitakdo sa ikatulong mananap nga mapintas sa 7:6, nagtimaan sa Gresya, lakip na sa Macedonia.

4. Ang mga bitiis nga puthaw ug mga tiil nga may bahin nga puthaw ug may bahin nga yutang kulonon (2:33), nga nitakdo sa ikaupat nga mananap nga mapintas sa 7:7-8, nagtimaan sa Empiryo Romano ug sa kataposang napulo ka hari niini (2:40-44; 7:7-11, 19-26; Bug. 17:7-13).
  5. Bisan nahanaw na ang porma ug panagway sa Empiryo Romano, naa pa gihapon karon ang kultura, espiritu, ug pagkamao niini; sa pagsugod sa dakong kasakitan (Mat. 24:21) mapahiuli ang porma ug panagway sa Empiryo Romano sa pamunoan ni Anticristo (Dan. 7:12).
- D. Ang napulo ka hari ug ang ilang mga gingharian, nga gihulagwayan sa napulo ka kuyamoy sa tiil sa dakong larawan sa Daniel 2, mausa diha sa pamunoan ni Anticristo, nga mao unya ang kataposang Cesar sa matukod pag-usab nga Empiryo Romano; mahitabo kining tanan sa Europa—Bug. 17:10-14:
1. Nagbuhat karon ang misteryo sa pagkamalapason diha sa mga nasod ug sa katilingban sa tawo; mosangpot kining pagkamalapason sa tawong malapason, nga si Anticristo—2 Tes. 2:3-10.
  2. Si Anticristo unya ang gahom ni Satanas, ang pagkalawas ni Satanas; lutoson ug laglagon niya ang katawhan sa Dios—ang mga Judiong mahadlok sa Dios ug ang mga Cristohanong matinuohon ni Cristo—Dan. 8:24; Bug. 12:17; 13:7.
  3. Gub-on ug laglagon ni Anticristo ang templo sa Dios ug ang syudad sa Dios; ihulog niya sa yuta ang kamatuoran—Dan. 9:27; 8:12.
  4. Hait og pagpanabot si Anticristo nga makasabot sa mga butang ug mamulong og mga butang batok sa Labing Taas Uyamot—7:8, 20, 25.
  5. Paluyahon ni Anticristo ang mga balaan sa Labing Taas Uyamot; suklan ug batokan gyod nato ang inanay, balikbalik, kanunay, ug adlaw-adlawng mga taktika ni Satanas sa pagpaluya kanato—v. 25; Mat. 24:12; Huk. 16:16; Efe. 6:11-13.
  6. Gusto ni Satanas ug ni Anticristo ang mga kalag sa mga tawo nga mahimong mga instrumento sa mga kalihokan nila sa kataposang panahon—Bug. 18:11-13; 2 Tim. 3:5; itandi sa Zac. 12:1.
- E. Sa pagtungha ni Cristo isip batong sinapsap-sa-Dios, hampakon Niya ug sa Iyang mga mananaog—sa hiniusang Cristo—ang napulo ka hari ug si Anticristo (Bug. 19:11-21), ug sa ingon niana magdugmok sa dakong larawan gikan sa mga kuyamoy sa tiil ngadto sa ulo (Dan. 2:35).
- F. Sa dili pa mahitabo ang pagdugmok kang Anticristo ug sa tibuok pangagamhanan sa tawo, mokaylap gyod ang pahiuli sa Ginoo sa Europa ug mogamot didto; sa kahingpitan sa katumanan sa panan-awon kalabot sa dakong larawan sa tawo sa Daniel 2, labi pa kamahinungdanon ang Europa kaysa bisan unsang nasod o kaliwat—ang pagdugmok sa duha ka tiil sa dakong larawan sa tawo mao ang pagdugmok sa tibuok pangagamhanan sa tawo—vv. 34-35.
- G. Human moanhi aron mopildi ni Anticristo ug modugmok sa kinatibuk-an sa pangagamhanan sa tawo, mahimong dakong bukid ang hiniusang Cristo—si Cristo ug ang ma-daogong pangasaw-onon Niya—nga molukop sa tibuok yuta, maghimo sa tibuok yuta nga gingharian sa Dios; mahingpit kining ginghariana sa Bag-ong Jerusalem—ang kinataposan ug kinahingpitang hugna sa diosnong kasaysayan—Bug. 20:4, 6; 21:10.

**III. Ang unang upat ka timbre nga giablihan sa Cordero-Dios nagpakita natog pananawon sa kasaysayan sa kalibotan sugod sa pagkayab ni Cristo hangtod sa kataposan ning panahona (itandi sa 4:1-2; 5:1-14); nagpakita kini kanato nga human**

**gyod Siya nikayab (Mar. 16:19-20) dunay lumba sa upat ka kabayo nga nagpadayon sa tibuok panahon sa iglesia hangtod mobalik si Cristo:**

- A. Naglangkob ang unang timbre sa kabayong puti ug sa nagkabayo niini, nga nagtimaan sa pagpakaylap sa ebanghelyo—Bug. 6:1-2:
  - 1. Ang bayanan nga walay pana nagtimaan nga nahuman na ang pagpakig-away ni Cristo aron maumol ang ebanghelyo sa kadait ug naangkon na ang kadaogan; nagtimaan ang purongpurong nga gipurongpurongan sa himaya ni Cristo ang ebanghelyo—2 Cor. 4:4.
  - 2. Ang *nilakaw nga nagbuntog* nagtimaan nga nagpadayon ang ebanghelyo uban ni Cristo aron mobuntog sa tanang matang nga pagsupak ug pag-ataki—Bug. 6:2.
  - 3. Ang mga mananaog nga nagsangyaw sa ebanghelyo sa himaya ni Cristo nahimong mga magkakabayo sa kabayong puti—Efe. 3:8-11; Rom. 1:1; Bug. 19:11, 13-14.
- B. Naglangkob ang ikaduhang timbre sa kabayong pula ug sa nagkabayo niini, nga nagtimaan sa pagkuyanap sa gubat—6:3-4:
  - 1. Nagtimaan ang *pula* sa pag-ula og dugo, ug nagtimaan ang *dakong espada* sa mga hinagiban sa pagpakig-away.
  - 2. Ang *pagkuha sa kalinaw gikan sa yuta* nagtimaan nga nagpadayon ang gubat sa yuta; ang *magpinatyanay ang mga tawo* nagtimaan nga mag-unay og away ang mga tawo—v. 4; Mat. 24:7.
- C. Naglangkob ang ikatulong timbre sa kabayong itom ug sa nagkabayo niini, nga nagtimaan sa pagkuyanap sa kagutom—Bug. 6:5-6:
  - 1. Ang timbangan, nga himan nga gigamit sa pagtimbang og hamiling mga butang, nga gigamit dinhi sa pagtimbang og kalan-on, nagtimaan sa kanihit sa pagkaon; ang ikaupat nga bahin sa galon nga trigo, nga maayong suhol alang sa usa ka adlawng trabaho, ug ang tulo ka bahin sa galon nga cebada, nga maayong suhol sab alang sa usa ka adlawng trabaho (Mat. 20:2), nagtimaan sa kamahal sa kalan-on tungod sa kanihit niini.
  - 2. Ang *ayaw hilabti ang lana ug ang bino* (alang sa kalipayan sa tawo ang lana ug ang bino—Sal. 104:15—ug nihit gyod kanunay ug momahal kaayo panahon sa kagutom) nagtimaan nga dunay kagutom.
- D. Naglangkob ang ikaupat nga timbre sa kabayong lusparon ug sa nagkabayo niini, nga nagtimaan sa pagkuyanap sa kamatayon—Bug. 6:7-8:
  - 1. Nagtimaan ang *lusparon* sa kolor sa hitsura sa mga naapektohan sa kamatay; kanang nagsunod ang Hades sa Kamatayon nagtimaan nga modawat ug motang-gong ang Hades sa mga gipamatay sa kamatayon.
  - 2. Gihatagag pagbulot-an ang Kamatayon ug ang Hades sa ikaupat nga bahin sa yuta aron pamatyon kini sa espada, kagutom, ug kamatayon ug sa mapintas nga mga mananap sa yuta—itandi sa vv. 9-11; Luc. 18:1-2, 7-8.

**IV. Ang pagpakaylap sa mga kamatuoran sa pahiuli sa Ginoo pagpangandam man aron makabalik ang Ginoo para madala ang pahiuli ug ang pagpahiuli dili lang ngadto sa Israel kondili sa tibuok kabuhatan sab—Mat. 24:14; 28:19; 19:28; Isa. 11:9; itandi sa Bug. 5:6-8:**

- A. Human gyod mokayab si Cristo, nagsugod nag dagan kining upat ka butang—ang ebanghelyo, gubat, kagutom, ug kamatayon—sama sa mga magkakabayo sa upat ka kabayo, ug nagpadayon kini hangtod mobalik si Cristo—6:1-8:

1. Ang pagkaylap, pagdagan, ug paglumba sa ebanghelyo sa gingharian sa tibuok yutang gipuy-ag tawo maoy kinasentrohan sa diosnong kasaysayan diha sa kasaysayan sa tawo—Mat. 24:14.
  2. Ang ebanghelyo sa gingharian, nga gitiman-an sa puting kabayo sa unang timbre sa Bugna 6:1-2, isangyaw unya sa tibuok yutang gipuy-ag tawo aron manghimatuod sa tanang nasod sa dili pa matapos kining panahona, sa panahon sa dakong kasakit.
- B. Dili usa ka bahin lang nga ebanghelyo ang gisangyaw nato kondili ang kompletong ebanghelyo nga naglangkob sa tanan sugod sa Mateo hangtod sa Bugna—ang ebanghelyo sa walay kataposang pamatigayon sa Dios nga ipaambit ang Iyang Kaugalingon diha ni Cristo ingon nga Espiritu nganha sa Iyang mga pinili pinaagi sa balaodnong katubsanon Niya ug sa organicong kaluwasan Niya aron matukod ang Iyang Lawas diha sa mga iglesia lokal nga mohingpit sa Bag-ong Jerusalem nga pangasaw-on Niya, asawa Niya, aron mapadayag Siya sa walay kataposan—1 Tim. 1:3-4; Rom. 1:1; 5:10; Bug. 1:10-11; 21:2-3, 9-11; 22:1-2.
  - C. Sa pagkatinuod, naglakip ang ebanghelyo sa tanang diosnong kamatuoran; ang tibuok Bag-ong Tugon mao ang ebanghelyo, ug ingon nga ebanghelyo gihulagwayan ang Bag-ong Tugon sa Daang Tugon; tungod niana, makaingon ta nga naglakip ang ebanghelyo sa tibuok Biblia.
  - D. Ang bugtong-talagsaong tuyo sa Dios ning panahona pagsangyaw man sa ebanghelyo aron matukod ang iglesia nga Lawas ni Cristo para mahingpit ang Bag-ong Jerusalem—Efe. 3:8-11.
  - E. Luwanan unta ta sa Ginoo nga makat-on sa diosnong mga kamatuoran sa ebanghelyo ug magpakaylap niini sa tanang dapit alang sa Iyang pahiuli—Isa. 11:9; Dan. 11:32b-33; 2 Tim. 2:21.

**V. Sa kasamtangang kahimtang sa kalibotan, igahin gyod nato ang atong kaugalingon aron moampo ug magmalahutayon sa pag-ampo, samtang makaila “sa mga ilhanan sa kapanahonan”—Buh. 6:4; Col. 4:2; Mat. 16:3; Luc. 21:24-36; Mat. 24:3-14, 32-34; Rom. 13:11-14:**

- A. Makaamgo gyod unta ta nga naa na ta sa “mga kasakit sa pagpanganak” (Mat. 24:8, 32-34), nga “duol na ang gingharian sa Dios” (Luc. 21:31), ug tungod niana, moampo sa kataposang pag-ampo sa Biblia—“Ari na, Ginoong Jesus!” (Bug. 22:20); natapos ang tibuok Biblia sa tinguha nga moanhi na ang Ginoo nga gipadayag ingog pag-ampo (itandi sa A. S. 8:13-14; 2 Tim. 4:8; Buh. 26:16); ang pag-abot ni Cristo mao ang presensya Niya (sa Griyego, *parousia*) uban sa Iyang katawhan (Mat. 24:3; Buh. 26:15-16; Mar. 13:8; Juan 14:21, 23).
- B. Moampo gyod ta nga dunay hingpit nga pagkaamgo sa tinan-awan sa Dios sa kasaysayan sa tawo sa pagkakita nato nga motulin ang ebanghelyo ug labi man nganing mokaylap tungod sa gubat, kagutom, ug kamatayon ug sa pagkakita nga kinahanglan mabatonan nato ang Dios sa kinahingpitan gyod aron matuman ang tumong sa Iyang diosnong pamatigayon—Fil. 3:8, 12-14:
  1. Human mosupil sa Dios si Satanas, gihukman ug gisentensyahan man ngani siya sa Dios, apan sa kaalam ug pagbuot sa Dios, wala pa Niya ipahamtang sa hingpit ang paghukom Niya ni Satanas; gihatagan pa gihapon Niya si Satanas og limitadong panahon nga mobuhat aron matagbo ang negatibong panginahanglan sa pagtuman sa Iyang pamatigayon—Job 1:6-8; 2:1-6; itandi sa Juan 12:31.

2. Gipakita sa basahon ni Job nga giguba sa Dios si Job, pinaagi ni Satanas nga “bati nga himan,” sa duha ka paagi: paghubo ug pag-ut-ot; gihuboan ug giut-ot sa Dios si Job aron maguba siya ug mabatonan sa Dios aron labi pa niyang mabatonan ang Dios; giut-ot ang atong tawo sa gawas aron mabag-o ang atong tawo sa sulod adlaw-adlaw—Fil. 3:8-10; 2 Cor. 4:16-18.
  3. Dili paghukom sa Dios ang mga pag-antos ni Job kondili paghubo, pag-ut-ot, ug pagguba Niya aron makasukad ug makahigayon Siya sa pagtukod pag-usab ni Job sa Iyang Kaugalingon, aron himoon siyang Dios-tawo, bag-ong tawo diha sa bag-ong kabuhatan sa Dios—5:17; Gal. 6:15.
  4. Pinaagi man sa paghubo, pag-ut-ot, ug pagguba sa Dios nga ikapaambit Niya ang Iyang Kaugalingon sa mga nahigugma ug nagtinguha Niya—Job 10:13; Efe. 3:9; itandi sa Juan 3:6; Fil. 3:3.
  5. Ang tuyo sa Dios sa pagtagad Niya sa Iyang balaang katawhan aron man mahab-waan sila sa tanang butang ug modawat ra sa Dios nga ilang kaayohan; tinguha sa kasingkasing sa Dios nga hingpit nato Siyang mabatonan ingon nga kinabuhi, sangkap sa kinabuhi, ug tanan sa atong pagkatawo, nga kinataposang mahingpit sa Bag-ong Jerusalem—Rom. 8:28-29.
  6. Nagsulti nato ang kataposan sa basahon ni Job nga sa kaulahian nakita ni Job ang Dios; sa kahulogan sa Bag-ong Tugon, ang makakita sa Dios pareho ra sa makabaton sa Dios; ang pagkakita nato sa Dios pagkatransporma man ngadto sa mahimayaong dagway ni Cristo, sa Dios-tawo, aron makapadayag ta sa Dios diha sa Iyang kinabuhi ug maka-representar Niya diha sa Iyang pagbulot-an—42:5-6; 2 Cor. 3:18.
  7. Labi tang makakita sa Dios, makaila sa Dios, ug mahigugma sa Dios, labi sab natong ayran ug dumilian ang atong kaugalingon—Mat. 16:24; Luc. 9:23; 14:26.
- C. Matod pa sa pag-ampo ni Salomon sa 1 Hari 8:48, moampo gyod ta kanunay paatubang sa Balaang Yuta, nga naghulagway ni Cristo nga pahat nga giapod-apod sa Dios sa mga magtutuo (Deut. 8:7; Col. 1:12); sa balaang syudad, nga nagtimaan sa gingharian sa Dios diha ni Cristo (Sal. 48:1-2); ug sa balaang templo, nga nagtimaan sa balay sa Dios, sa iglesia, dinhi sa yuta (Efe. 2:21; 1 Tim. 3:15):
1. Nag-ampo si Daniel katulo matag adlaw nga inablihan ang iyang mga bintana paatubang sa Jerusalem; pinaagi sa matinumanong mga palagianan Niya sa pag-ampo, tumanon sa Dios ang Iyang pamatigayon uban sa Iyang mga pinili aron makaanhi si Cristo—Dan. 6:10; Buh. 2:42; 6:4.
  2. Mamati ang Dios sa atong pag-ampo kon ang pag-ampo nato Kaniya ipatumong nato ni Cristo, sa gingharian sa Dios, ug sa balay sa Dios nga tumong sa walay kataposang pamatigayon Niya; nagpasabot kini nga ipatumong gyod ang atong pag-ampo sa mga interes sa Dios, sa ato pa, ni Cristo ug sa iglesia nga mga interes sa Dios dinhi sa yuta, aron matuman ang pamatigayon sa Dios.